

وَمَاتَ الْفَقِيرُ كَفَّهُ وَالْمُسْكِنُ وَإِنْ أَشْتَرِلُوكَلَّيْدَرْ  
تَبَرِّجُ إِذْ أَلْتَبِرِي كَثُرَ إِخْرَجَنَ الْأَنْجَلِيَرْ وَكَانَ الْأَنْجَلِيَرْ لَيْلَهْ.  
كُورِنْ

«Firaaf, harka qalleeyyi fi kara-deemaafis haqa isaa kennif. Qisaasessu hin qisaasessin. Dhugumatti warri qisaasessan obboleeyyan sheyxaanaati. Sheyxaanniis Gooftaa isaatti akkaan kafaraadha.» Al-Qur'aan 17:26-27

## Badhaadhinnaaf Utubaa 2ffaa- Qusannaaf

### Description

Mana barnoota keessa taanee yommuu siviks barannu boqonnaan â€œQusanna (Saving)â€ jedhu tokko hin hafu. Bara baraan boqonna kana barataa turre. Garuu wanti ach irratti barraaâ€™u tiyoori qofa moo shaakala qabaa? Rakoon mana barnootaa guddaan tiyoori qofaan sammuu hadoochu, barattoota shakalsiisun ykn akka shaakalan karaa itti agarsiisun hin jiru. In sha Allah harâ€™a balâ€™innaanis taâ€™uu baatu hanga taâ€™e waaâ€™ee qusanna ni ilaalla.

Qusannaaf jechuun maallaqa qaban hanga barbaachisu itti fayyadamanii ykn wanta gaarii irratti baasanii kan hafe immoo olkaaâ€™udha. Qusannaan maallaqa qofa osoo hin taâ€™in â€˜Yeroosâ€™ kan of keessatti qabatuudha. Yeroo qusachuu jechuun yeroo bakka hin taane fi buâ€™aa hin buusnetti balleessu dhiisudha.

Rabbiin (subhaanahu wa taâ€™aala) qabeenya qabnu akka hin qisaasessina nu akeekachiisa.

â€œFiraaf, harka qalleeyyi fi kara deemaafis haqa isaa kennif. Qisaasessu hin qisaasessin. Dhugumatti warri qisaasessan obboleeyyan sheyxaanaati. Sheyxaanniis Gooftaa isaatti akkaan kafaraadha.â€ Suuratu Al-Isra 17:26-27

â€œNyaadhaa dhugaa, daangaa hin darbinaa (hin qisaasessina). Dhugumatti, Inni (Rabbiin) daangaa darbitoota (warra qisaasessan) hin jaallatu.â€ Suuratu al-Aâ€™araaf 7:31

Faallan qusannaaf qisaasessudha. Namni wanta argatte hunda harâ€™uma fixuuf akka fedhe yoo baase gara fuunduraatti dhiphinnaa fi miidhaa guddaa keessatti kufa. Namoonni gariin â€œKan boruu Rabbitu naaf jira.â€ Jechuun qabeenya ofiiakkuma argan gadi dhangalaasu. Eeti Rabbiin siif jira. Garuu Rabbiin nama qisaasessu akka hin jaalannee fi adabbi cimaa akka adabu ni dagattee? Adabbi kanniin keessaa tokko namtichi liqaa (deynii) guddatti kufuudha. Liqaan dhiphinnaa fi gadadotti nama darba. Tolee maallaqa qusachuuf malli jalqabaa nuti fayyadamu qabnu maaliidhaa?

Maallaqa qusachuuf tarkaanfin jalqabaa liqaa (idaa) ofirraa qulqulleessudha. Liqaan akka hin qusanne gufuu namatti taâ€™a. Liqaaf gabra taâ€™uu irraa of baraaruf takkamaan wanta argatte bittineessu,

baasii daangaa hin qabne baasu irraa of quisachuu qabda. Wanta lubbuun tee feetu hunda guutuf yoo carraaqxe takkamaan waxmadii idaa keessaa seenta. Baâ€™aa liqii jalaa bahuuf mee tarkaanfilee (steps) kanniin haa fayyadamnu.

**1.Duâ€™aayi gochuuâ€“ Aâ€™ishaan (Rabbiin ishiirraa haa jaallatu) akkana jetti: Ergamaan Rabbii (SAW) akkana jechuun salaata keessatti duâ€™aayi godha,**

**â€œYaa Rabbii! Cubbuu fi idaa irraa Siin eeggamaâ€** (Jecha biraatin, Yaa Rabbii cubbuu fi idaa irraa na eegi.) Ergasii namni tokko akkana jedhe, â€œYaa Ergamaa Rabbii! Yeroo baayâ€™ee idaa irraa Rabbiin akka si tiiksu kadhatta.â€ Ergamaan Rabbiis ni jedhan: **â€œNamtichi idaa keessa yoo jiraate yommuu dubbatu ni kijiba, yommuu waadaa seenu ni diiga.â€** [Sahih Al-Bukhaari 2397](#)

Kanaafu, "Yaa Rabbii cubbuu fi idaa irraa na eegi." Jedhanii kadhachuun balaa fi dhiphinna idaa jalaa akka bahan nama taasisa.

**2.Fakkii liqaa keeti gamagamiiâ€“** namoonni gariin yommuu liqeefatan hangam akka liqeefatanii fi namoota meeqarra akka liqeefatan osoo itti hin yaadin calâ€™isaniitumaan liqaa walitti guuru. Nama jalqabaatif liqaa osoo hin deebisiniif nama biraa irraayis liqaa barbaadu. Ati nama akkanaa yoo taate, eenyurraa fi hangam akka liqeefatte waraqaa irratti barreessi. Erga waraqaa irratti tarreessite booda wantoota armaan gadi hojjadhu:

- Liqaan waligalaa kee meeqa?
  - Kireedit Kaardi yoo qabaatte mallattoo itti godhi.
  - Liqaa kee xiqqaa irraa gara guddaatti tarreessi- kuni tartiiban xiqqaa irraa gara guddaatti akka ofirraa kafaltu si taasisa. Kuni dukkana liqaa keessa teette ifa wayi akka argitu si abdachiisa.

**3.Kireedit kaardin kan waa bittu yoo taate**, qarshii harkatti baadhu-akkana gochuun maallaqa akkuma argite akka hin baasne si daangeessa. Kreedit kaardi manatti dhiisi ykn addaan kuti. Kreedit kaardin biyya keenyatti kan baratamee miti. Garuu amma babalâ€™achaa jira. Kreedit Kaardi jechuun kaardi qarshii ofirraa qabuu kan baanki irraa liqeefatamuudha. Kaardi kanaan yommuu suuqi dhaqxu wanta feete bittaan. Garuu boodarra maallaqa kana baankif ni kafalta. Inuma Kreedit kaardin dhala (riba) kan ofirraa qabuudha. Kanaafu, jirenya kiyya salphisa jette kreedit kaarditti hin dhiyaatin.

**4. Liqii kee kafaluuf baajata kee irraa muri qusadhu-** liqii ofirraa kafaluuf wanta si hin barbaachisne bitu dhiisi. Wantoota si barbaachisanis hanga isaa hirâ€™isi. Fakkeenyaf, akkadaami qofa yoo taâ€™e ijolle mana barnoota dhuunfatti barsiisu irra mana barnoota mootummatti barsiisu. Garuu diinis (amantis) kan barsiisu yoo taâ€™e, kan dhuunfatti barsiisutu irra caala. Nyaata haala madaallamaan qopheessu; telefoone tachii bituuf carraaqu dhiisu ( Liqaa osoo ofirraa hin kafalin akkamitti namni telefoona tachii bitaa?), meeshaalee mana keessaa sirritti nama hin fayyanne kan akka soofaa bituu dhiisu.

Erga liqii fi galii kee tarreessite booda bartee qusanna gabbifadhu. Qarshii 25, 50, 100 ykn 200 taâ€™ii homaa rakkoo hin qabu. Wanti guddaan bartee qusanna uumudha. Liqii kee akkuma kafalte ofirraa fixxeen bartee qusanna itti fufsiisi.

**5.Karoora baasii (baajata) qopheessi-** maallaqni eessa dhuftee garam akka deemtu yoo hin beekin jireenyi nutti dukkanoofti.

**Kaayyoo:** maallaqni kee eessa deemu akka qabu itti himi. Kana jechuun akkuma argite hin baasin. Karooran baasi.

**Dhugaa jiru:** Maallaqni kee bahe. Eessatti akka bahe qorachuuf tattaafachaa jirta. Maallaqa keetif karoora baasun ykn baajata gochuun wanta garmalee si fayyaduudha. Mee akkamitti akka karoora baasnu haa ilaallu.

Mindaan kee siif kafalamuun dura hanga maallaqaa harka kee gahu waraqaa irratti barreessi. Mindaan harka kee gahu jiâ€™atti qarshii 4000 haa jennu. karoora baasun salphaadha. Waraaqa tokko baasun baasii kee hunda tarreessi. Fakkeenyaf jiâ€™a kana keessa baasin kee:

**Sadaqaaâ€“ 250,Qusannaaâ€“ 300,Kira manaaâ€“ 1000,Elektriiki-200, Bishaanâ€“ 100,Nyaata â€“ Xaafi kilo 50- 700, Zeytiiâ€“ 300,Telefoonaâ€“ 200 ,Gabaya fi suuqiâ€“ 300,Geejjibaâ€“ 650**

Wanti ijoon baajata (karoora baasiitti) maxxanuu fi hojii irra oolchudha. Akkuma argitu sadaqaa sadarka tokkoffaa irra keenne. Sababni isaas, sadaqaa tarree (list) keessa yoo hin galchin maallaqa wanta biraan irra oolchun Aakhiratti garmalee gaabbita. Kanaafu, sadaqaa hin dagatin.

### Bartee Karoora baasi (Baajata) Gabbisuu fi Karooran jiraachu

Yommuu waaâ€™ee baajataa kaasnu namoonni ramaddi armaan gadii eessa tokko jalatti ramadamu. Ati kam keessayyi?

**Warroota karoorsanâ€“** warri kuni dhimma maallaqa isaanii ni tooâ€™atu. Qusachuuf karoora ni baasu.

**Qabsaaâ€™otaâ€“** warri kuni qusachuuf karoora baasun itti ulfaata. Maallaqa irratti toâ€™anna argachuuf ni qabsaaâ€™mu.

**Warroota didanâ€“** rakkoo maallaqa keessa akka jiran fudhachu ni didu. Karoora baasun isaaniif gaarii akka taâ€™e hin hubatan.

**Warroota sirritti osoo itti hin yaadin maallaqa baasan (Impulsive)â€“** warri kuni wanta argatan harâ€™uma fixu barbaadu. Qusachuuf karoora baasun isaanif haarawa.

Zaaran haadha mucaa tokkooti. Akka dandeetti ofiitti jiraachuf maallaqaaf karoora ni baasti. Qusachuun ishiif baayâ€™ee barbaachisaadha. Daftara xiqqoo wanta baastu hunda irratti galmeessitu qabdi. Zaaran bartee qusanna kana gabbifachuu fi afoosha gargaarsaa (uqqubii) seenun mana bitte jirti, mucaa ishitiif yuniversiti akka baratu haala mijessite jirti.

Fuggisoo kanaa Feenet akkuma argite maallaqa ishii baasti, hin karoorsitu. Feenet hojii gaarii qabdi, mindaa gaarii argatti, jirenya mijawa jiraatti. Garuu haalli diinagde ishii seenaa biraahima. Feenet qusannaas taâ€™i invastimenti wayitu hin qabdu, qabeenya dhaabbataas hin horanne. Dabalataan, idaa baayâ€™ee qabdi. Karoora maallaqaa hin baastu.

Dandeetti qabeenya uumu guddisuuf akka Zaaraa nama karoorsu taâ€™i. Baasi karoorsun:

- Maallaqni kee eessa akka deemu hubatta.
- Galii argattu caalaa baasi akka hin baasne si taasisa.
- Maallaqa wanta qabeenya kee ittiin guddistu irra akka oolchitu si taasisa.

Karoora baasi gabbisuuf wanta guyya guyyaan baastu galmeessu fi galiif baasi kee hubachuun si barbaachisa.

Guyyaa tokko Feenet qabeenya uumuf akka Zaaraa karoora baasi qopheessu akka qabdu hubatte. Jalqabaaf Feenet maallaqa hangami akka argatte fi baasi hammami baasaa akka turte beekuf diinagde ishii qoratte. Qabeenya uumuf jiâ€™atti qarshii 175 qusachuuf kaayyefatte. Jalqaba guyyoota muraasaf baasi guyya guyyaa ni galmeessite. Yaadanno xiqqoo of waliin deemun wanta baastu irratti katabde. Haala kanaan, rakkoo maallaqa tooâ€™achuuf tattaafatte.

### **Maallaqa irratti tooâ€™annaa argachuuf:**

â™fHanga dandeetti keeti jiraadhu. Nama akkeessun wanta humna keeti oli bituun liqii ofitti hin feâ€™in.

â™fWantoota haarawa bahaniin hin sobamin. Wanta gaarii fi mijaaâ€™a taâ€™e uffadhu.

â™fBaasi qisaasesu dhaabi. wanta tokko baayâ€™iste hin bitin, hin nyaatin, hin dhugin. Bishaan, elektirikii fi kkf qusannaan fayyadami.

â™fJirenyaa kee bulchi, tartiiban jiraadhu. Namoonni qaroon wanta jalqaba barbaachisa taâ€™e bitu. Namoonni qaroo hin taane immoo wanta dhumarra bitamu qabu jalqaba bitu. Fakkeenyaf, konkolataa manaa dhumarra bitu dhiisani jalqaba bitu. Idaa ofirraa kafaluu dhiisanii wanta garmalee barbaachisaa hin taane bitu. Kanaafu, jirenyaa mooâ€™achu yoo barbaadde tartiiban deemi.

â™f Karooran deemun rakkoo fi baâ€™aa idaa irraa si hanbisa.

Kitaabban wabii

â™s**Five Pillars of Prosperity- Essentials of Faith-Based Wealth Building-** Dr. M.Yaquub Mirza- fuula 19-35

â™s A practical Guide to Debt and Personal Finance For Muslims- by Omur Osman and Adam Tofiq- fuula 5-10

### **Date Created**

September 9, 2017

### **Author**

admin